




(Sinatura do Presidente)

Folio N.º 1

Serie A N.º 2791356

Acta da Xunta de Goberno correspondente ó día 13 de xuño de 2014



PAPEL NUMERADO
CORPORACIÓN
LOCAIS

No Pazo da Deputación Provincial de Ourense, o trece de xuño do ano dous mil catorce, ás trece horas, reúnese a Xunta de Goberno da Deputación baixo a presidencia de don José Manuel Baltar Blanco, presidente da mencionada Deputación -que como tal é da Xunta-, cos deputados, don Rosendo Luis Fernández Fernández, don Plácido Álvarez Dobaño, don Antonio Montero Fernández, don Emilio José Pazos Ojea, don Francisco Rodríguez Rodríguez, don José Manuel Freire Couto e don Eladio Mangana Nóvoa os que constitúen a maioría absoluta da devandita xunta, co fin de celebrar sesión ordinaria en primeira convocatoria e tratar nela os asuntos que figuraban na orde do día.

Non asiste á sesión o deputado provincial don José Antonio Feijóo Alonso.

Asiste a interventora, dona Mónica Legaspi Díaz, e dá fe do acto, o secretario xeral, don Francisco Cacharro Gosende.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR DO DÍA 6 DE XUÑO DE 2014.- Unha vez examinada a acta da sesión que tivo lugar o día seis de xuño de dous mil catorce, a **Xunta de Goberno** da Deputación **acordou**, por unanimidade, a súa aprobación, sen observacións.

2.- RECTIFICACIÓN DE ERRO MATERIAL NO ACORDO DA XUNTA DE GOBERNO DO DÍA 6 DE XUÑO DE 2014, RELATIVO A RECOÑECIMENTO EXTRAXUDICIAL DE CRÉDITO CORRESPONDENTE Á SUBVENCIÓN CONCEDIDA Ó CONCELLO DO BARCO DE VALDEORRAS A TRAVÉS DO PLAN PROVINCIAL DE COOPERACIÓN ÁS OBRAS E SERVIZOS MUNICIPAIS DO EXERCICIO 2013.- A Xunta de Goberno, na sesión ordinaria do día 6 de xuño de 2014, adoptou o acordo de recoñecer extraxudicialmente un crédito a favor do Concello do Barco de Valdeorras correspondente a subvención concedida ó referido concello a través do Plan provincial de cooperación ás obras e servizos municipais do exercicio 2013.

Na documentación remitida polo referido concello figura erroneamente a cantidade de 79.900,00 € correspondente ó orzamento en execución por contrata, facéndose así constar no acordo de referencia, cando a que debe figurar é a de 79.600,00 €.

Aínda que non afecta realmente á parte dispositiva do acordo, senón que se produce no desenvolvemento da introdución do acordo, unha vez advertido o erro, estímase conveniente a corrección deste, polo que, sentado o precedente, e de conformidade coa




(Sinatura do Presidente)

Folio N.º 2

Serie A N.º 2791356

Acta da Xunta de Goberno correspondente ó día 13 de xuño de 2014



APPEL NUMERADO
CORPORACIÓN
LOCAIS

proposta favorable da Presidencia, a **Xunta de Goberno**, por unanimidade, **adopta** o seguinte **acordo**:

- Rectifica-lo erro material detectado na parte expositiva do punto segundo da orde do día, relativo a recoñecemento extraxudicial de crédito correspondente á subvención concedida ó Concello do Barco de Valdeorras a través do Plan provincial de cooperación ás obras e servizos municipais do exercicio 2013, corrixindo a cifra errónea de 79.900,00 € que figura no primeiro parágrafo e substituíndoa pola cifra correcta de 79.600,00 €.

3.- APROBACIÓN DE SUBVENCIÓN Ó CONCELLO DE PUNXÍN.- No Pleno con data 30 de abril de 2014 acordouse aproba-lo expediente nº 2/2014 de modificación dos créditos orzamentarios e das bases de execución do actual orzamento. Procedeuse á especificación das aplicacións para as que se habilitou crédito e concretamente dos capítulos IV e VII de gastos do dito orzamento, figurando con cargo á aplicación orzamentaria 231.11/462.02 unha subvención nominativa, por importe de 5.834,40 euros, a favor do Concello de Punxín para o transporte colectivo de persoas dependentes no termo municipal de Punxín, correspondente ó ano 2014.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta favorable da Presidencia, a **Xunta de Goberno**, por unanimidade, **acorda** aprobar unha subvención ó Concello de Punxín, nos seguintes termos:

-Importe: 5.834,40 €.

-Obxecto: o transporte colectivo de persoas dependentes no termo municipal de Punxín, correspondente ó ano 2014.

-Xustificación: a subvención xustificárase mediante a presentación de conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente, debidamente aprobados polo órgano correspondente.

Ó abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso




(Selo da Corporación)

(Sinatura do Presidente)

Folio N.º 3

Serie A N.º 2791356



APPEL NUMERADO
CORPORACIÓN
LOCAIS

Acta da Xunta de Goberno correspondente ó día 13 de xuño de 2014

acredita-la realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ó do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 31 de outubro de 2014

4.- ASUNTOS DE URXENCIA.- Trala unánime declaración da urxencia do asunto, por non figurar incluído na orde do día, adoptouse o seguinte acordo:

4.a) APROBACIÓN DE CONCESIÓN DIRECTA DUNHA SUBVENCIÓN Ó CONCELLO DE PUNXÍN PARA DEMOLICIÓN DE VIVENDA RUINOSA SITUADA NO LUGAR DE POUSA, N.º 3.-

Unha vez vista a proposta formulada pola Presidencia no día da data e trala unánime declaración da urxencia do asunto por non figurar incluído na orde do día, a **Xunta de Goberno**, por unanimidade, **adopta** o seguinte **acordo**:

Concederlle unha subvención directa, por razóns de interese público, ó Concello de Punxín, por importe de 3.406,95 €, para demolición de vivenda ruínosa situada no lugar da Pousa, n.º 3, na parroquia de Freás, Punxín.

A dita subvención queda suxeita ás seguintes condicións:

a) O Concello de Punxín deberá presentar declaración responsable subscrita pola alcaldía acreditativa de que o concello beneficiario se atopa ó corrente das súas obrigas tributarias e de Seguridade Social e non está incurso en prohibición de obter subvencións.


b) As obras obxecto de subvención serán contratadas polo Concello de Punxín, que asumirá en exclusiva as responsabilidades derivadas deste feito.

As obras xustificaranse mediante a presentación de certificación da aprobación do recoñecemento e liquidación do gasto correspondente polo órgano competente do concello. A xustificación deberá presentarse antes do 31 de outubro de 2014.

Sen prexuízo do anterior, e atendida a situación económica do Concello, a Deputación poderá librar un anticipo de ata o 100 % da subvención, a pedimento do Concello, e sen necesidade de constituír ningún tipo de garantía, sempre que o concello non teña débedas coa Deputación por importe superior ó 2 % dos recursos ordinarios do último exercicio municipal liquidado. Para tal efecto, coa solicitude do anticipo, o concello deberá



Serie A N.º 2791356

Acta da Xunta de Goberno correspondente ó día 13 de xuño de 2014APEL NUMERADO
CORPORACIÓN
LOCAIS

presentar certificación na que conste o importe dos recursos ordinarios do último exercicio liquidado.

No caso de que a débeda do concello coa Deputación supere o indicado importe do 2 %, o libramento do anticipo quedará condicionado á constitución de garantía na forma prevista no artigo 16.2 da Ordenanza xeral de subvencións da Deputación Provincial de Ourense (BOP nº 285, do 13 de decembro de 2013).

5.- COMUNICACIÓNS DA PRESIDENCIA.- Non houbo.

6.- ROGOS E PREGUNTAS.- Non se formularon.

E, ás trece horas e trinta minutos, do referenciado día trece de xuño do ano dous mil catorce, a Presidencia dá por rematada a sesión da Xunta de Goberno, e redáctase esta acta, que se asinará segundo o legalmente establecido.

O PRESIDENTE,**O SECRETARIO,**